



## **Universitätsbibliothek Paderborn**

**S. Avrel. Avgvstini Confessionvm Libri X**

**Augustinus, Aurelius**

**Coloniae, 1646**

Cap. V. Omnem creaturam instar spongiæ, in immenso mari, Deo plenam esse, & omnia bona à summo bono facta agnoscebat, anxie quærens, unde malum irrepserit.

**urn:nbn:de:hbz:466:1-10120**

*ptionis, sive mali primum fontem esse ipsam corruptibilitatem, & mutabilitatem creaturae. Quomodo vero Deus quoque, sit autor mali, dicam inf. ad c. 13.*

## C A P. V.

*Omnem creaturam instar spongiae, in immenso mari, Deo plenam esse, & omnia bono à summo bono facta agnoscebat, anxie quærens, unde malum irrepserit.*

1. **E**t quærebam, unde malum, & male quærebam: & in ipsa inquisitione mea, non videbam malum. Et constituebam in conspectu spiritus mei universam creaturam, quicquid in ea cernere possumus, sicuti est terra, & mare, & aëris, & sidera, & arbores, & animalia mortalia: & quicquid in ea non videimus, sicut firmamentum cœli, insuper & omnes angelos, & cuncta spiritualia ejus: sed etiam ipsa quasi corpora essent, locis & locis ordinavit imaginatio mea; & fecit unam massam grandem distinctam generibus corporum creaturam tuam, sive quæ revera corpora erant, sive quæ ipse pro spiritibus fixeram. Et eam feci grandem, non quantum erat, quod scire non poteram, sed quantum libuit, undique versum sane finitam. Te autem Domine ex parte ambientem & penetrantem eam, sed usquequa infinitum. Tanquam si mare esset ubique, & undique per immensum infinitum solum mare: & haberet intra se spongiam quamlibet magnam, sed finitam tamen: plena esset undique spongia illa ex omni sua parte, ex immenso

so mari : sic creaturam tuam finitam , te infinito plenam putabam. Et dicebam : ecce Deus , & ecce quæ creavit Deus ! & bonus est Deus , atque his validissime longissimeque præstantior ; sed tamen bonus bona creavit , & ecce quomodo ambit atque implet ea !

2. a Vbi ergo malum , & unde , & qua huc irrepit ? Quæ radix ejus ? & quod semen ejus ? An omnino non est ? Cur ergo timemus & cavemus , quod non est ? Aut si inaniter timeimus , certe vel timor ipse malum est , quo incassum stimulatur & excruciatur cor. Et tanto gravius malum , quanto non est , quod timeamus , & timemus. Idcirco aut est malum , quod timemus : aut hoc malum est , quia timemus . Vnde est igitur ? Quoniam Deus fecit hæc omnia , bonus bona. Majus quidem & summum bonum , minora fecit bona : sed tamen & creans & creata , bona sunt omnia. Vnde est malum ? Aut unde fecit ea ? Materies aliqua mala erat , & formavit atque ordinavit eam ; sed reliquit aliquid in illa , quod in bonum non converteret ? Cur & hoc ? an impotens erat totam vertere & commutare , ut nihil mali remaneret , cum sit omnia potens ? Postremo , cur inde aliquid facere voluit : ac non potius eadem omnipotentia fecit , ut nulla esset omnino ? Aut vero existere poterat , contra ejus voluntatem ? Aut si æterna erat , cur tamdiu per infinita retro spacia temporum , sic eam sivit esse , ac tanto post placuit aliquid ex ea facere ?

3. Aut jā si aliquid subito voluit agere , hoc potius ageret omnipotens , ut illa non esset :

at-

atque ipse solus esset totum verum, & sum-  
mum, & infinitum bonum? Aut si non erat  
bene, ut non aliquid boni etiam fabricare-  
tur & conderet, qui bonus erat: illa subla-  
ta & ad nihilum redacta materia, quæ mala  
erat, bonam ipse institueret, unde omnia  
crearet? Non enim esset omnipotens, si con-  
dere non posset aliquid boni, nisi ea, quam  
ipse non considerat, adjuvaretur materia.  
Talia volvebam pectore misero, ingrauida-  
to curis mordacissimis de timore mortis:  
& non inventa veritate, stabiliter tamen  
b hærebat in corde meo, in Catholica Eccle-  
sia fides Christi tui, & Domini, & Salvato-  
ris nostri; in multis quidem adhuc informis,  
& præter doctrinæ normam fluctuans: sed  
tamen non eam relinquebat animus, imo  
in dies magis magisque imbibebat.

## N O T. A E.

- a *Vbi ergo malum, & unde &c.*) hærebat in ea sale-  
bra: Bonus est Deus & omnia bona sunt, quæ  
fecit, unde ergo Malum? Non ex materia, quia &  
hæc ab illo, & subjecta illi. Vnde ergo?
- b *Hærebat in corde meo, in Catholica Ecclesia fides Christi, &c.*) jam credebat S. Augustinus, non alibi  
reperiri veram Ecclesiam, quam apud Catholi-  
cos. Agnoscebat I. Scripturas veteres. II. Deum  
esse incorruptibilem. III. Liberum arbitrium esse  
causam peccati. Solum restabant duæ ex hæresi  
Manichæorum reliquiae, I. Nondum intelli-  
gebat Deum esse incorporeum. II. Quomodo ma-  
lum esset, nec ulla tamen creatura mala esset.  
Ideoque fidem suam vocat in multis informem, non  
dum scilicet Catholicus, sed Catechumenus in-  
ter Catholicos.

## C A P.